

FONDO PRINCIPALE

Lettera di Antonio Belloni

a. 1553, ms. 373

c. 1r

Algl signors de Magnifiche convocation | e di Consegl Toni Bellon nodar sⁱ
Seff di Strasold figl di m. Fantùss desydere iestriⁱⁱ in cheste prime | mude al offici
dagl criminagl di cheste Magnifiche Comunitat, | et par havè luy di me tante
confidentie, ch-al crot ciert chu par me | recommandation al debi ottignì lu so
intent, io, par iestri luy figl | di me figle pover ciert, may daben et virtuos no pues
fà ch-io no | vus al recomandi chialdamentri; et ancg di me sponse voluntat par | <
consigliar mio ziner lu Robortell excellent chu dentri di Padua di | briade cum m.
Tyberio dotor prestantissimi s-asfadie cum la so | virtut et operis di illustrà cheste
terre; preianuusⁱⁱⁱ duiquancg | chu s-al nus par cha-gl meritin par vuestre bontat et
curtisie, si degnès | di havèglu grandamentri par recommandaz al so luch et a
timp, | lu nevot al uffici dal criminal, lu ziner al consegl par consigliar. | Chu quant
miegl algl saran da vo stat trataz, si farà tant maior | la me obligation, oltre a che
di lor, parcè ch-io puarti tant amor al | bon nevot, et ziner^{iv}, ch-io may no porès
tant aiudagliu: ch-io vorès aymò^v | podè pluy; et certamentri soi di tal nature chu
davant ch-io mueri, | no mi jess di memorie fin ch-io non hebi a plen rindut et
satisfat a- | gl amis pagl sirvisis ricivuz.^{vi} Stayt sans.

ⁱ s per *salut* o *salutem* dicit

ⁱⁱ sic, anche in seguito

ⁱⁱⁱ sic

^{iv} vergato *zinar*

^v chiaro

^{vi} segue virgola superflua